



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**D. Henrici || Svsonis Viri Sanctita-||te, Ervditione Et  
Mi-||racvlis Clari, Opera**

**Seuse, Heinrich**

**Coloniae, 1615**

De quinta Rupe. Capvt XXVII.

**urn:nbn:de:hbz:466:1-38029**

plaberis. Atque adeo etiam tu ipse tuam con-  
spicies originem.

H. Idequidem non ambio. Immo si potest  
feri, tanto honore te me afficias precor. Siqui-  
dem miserum me atq; nihil exercitatum & vir-  
tutibus vacuum agnosco homuncionem: atq;  
caere, tanta dignitate indignus sum. Tamen *nō* Matth. 26.  
Marc. 14.  
*mea, sed tua voluntas fiat.*

*De quinta Rupe.*

CAPVT XXVII.

**D**EV S: Tolle sursum oculos, & vide. Sus-  
pexit homo, & quintam rupem ceteras  
longè excedere contuitus est, paucosq; ex  
inferiorum incolis eo proficisci, & eos quidem  
qui in quarta morabantur, sæpius moliri ascē-  
sum, sed vbi ad eius suprema venissent, magna  
ex parte inde recedere, & paucos admodum in-  
ibi permanere. H. Quid tibi vult, tam paucos  
hanc præcellam attingere rupem, in eaq; per-  
durare? D. Mons istæ miræ est altitudinis. Quis-  
quis autem sublimiter scandere molitur, non  
potest non difficiles experiri labores. Sed qui-  
cunque ad hanc quintam peruenit rupem, in  
eaque perstitit, is iamprimum ad verum per-  
tigit iter, quo ad principium tenditur. H. Hu-  
ius rupis incolæ nōsse velim. D. Ergo intentis  
cerne obtutibus. Eodem momento in quinta  
serupe collocatum reperit, hominesque illos  
haud mediocriter latus alijs omnibus longè  
amabiliores & iucundiores intuitus est. H. Qua-  
les sunt ij, quos modo conspexi? quæ eorum

Cc 5 vita,



vita, quę exercitatio est? namque vt video, precii valde sunt.

D. Isti propriam suarum voluntatem Deo dederunt, penitusque constituerunt, nihil vnquam ex propria voluntate, cognitione, & actione & vita agere, sed quendam Dei amicum, viam huius ex propria experiētia bene peritum inquirere, atque illi Dei loco ad mortem vique sese submittere ac obedire. H. Magis horum delector adpectu mi Domine, quam quotquot infra ipsos degunt, eosque charos habeo, vnde te eos habere puto.

D. Sunt reuera Deo chari, eò quod verum sint assecuti iter, in quo si perseverauerint, in magno apud Deum precio erunt. H. Proprie ad suam originem? D. Minimè: sed ab ea longe adhuc seiuncti sunt, & multa eis ad eam via superest, sensuque hostis tartareus veram eorum apprehēdisse viam atque eam ob rem hamo quodam in eos coniecto, ab ulteriori progressu eos remoratur. H. Obsecro Domine, quis est hamus iste?

D. Quod non semper in hac rupe constanter perseverant. H. Estne omnium horum communis actio & omisso? D. Est, sed cunctos tenet spiritus grandi quodam hamo captivos retinet, qui est instabilitas. H. Quę est ergo eorum instabilitas? D. Ea videlicet, quod non nunquam à quinta rupe in quartam demigrantes, proprio iudicio & voluntate suscepta in circuitu sua, cuiusmodi quartę rupis incolę sectantur, repetunt & assumunt, atque ita fursum deorsum ex vna in aliam sese rupem conferunt, neque constanter in quinta rupe perseverant. H. Vnde



hæc proficiscitur instabilitas? D. Quod eorum  
nequum penitus emortua est propria volun-  
tas. At tamen inferioribus cunctis Deo multo  
chariores sunt, eo quod propriam exuerint vo-  
luntatem. Et quamuis non perpetuo perseue-  
rent, maxima tamen ex parte in resignatione  
persistunt. H. Habentne etiam ipsi ferre Pur-  
gatorium? D. Habent, & quidem ingentes ferre  
penas, si sic decesserint, mitiores tamen, quam  
qui infra versantur, atque etiam illis omni-  
bus excellentiorem obtinebunt beatitudinem.  
H. Quam igitur mundos eos esse oportet, qui  
ad te pertingere debeant: quod sanè etiam æ-  
quissimum est.

*De sexta Rupe.*

## CAPVT XXVIII.

**D**EVS: Tolle in sublime oculos, & adspi-  
ce. Fecit homo quod erat iussus, & sextam  
rupem cæteris longè eminentiorem cõ-  
tuitus est, paucosque ex quinta ad illam perge-  
re, & eos ipsos dum ad eam pervenissent, repè-  
te inderelabi, atque ita eos habere, ac si capite  
elisi essent: videbaturque ipsi, tam raros in ea  
permanere rupe, ac si vix vnus è centum, ibi  
persisteret? H. Quæ est horum, Domine, signifi-  
cario? D. Oculis apertis adspice. Mox in sextam  
est subuectus rupem, viditque inibi homines  
gratissimos. & alijs omnibus infra degentibus  
longè amabiliore, ipsamque rupem amplam &  
perquam elegantem, sed paucissimos eius  
incolas, at eos ipsos, quamuis numero raros,  
tamen,